

蒙兀兒史記

結一宦主人自題

圖書

卷九 記

阿只吉出伯列傳第二十四

蒙兀兒史記卷第四十二

武進屠 寄纂

阿只吉察阿歹曾孫也

元史宗室世系表誤差前一代

祖木阿禿干從成吉思汗征西

域戰死巴某

事詳本書西域傳

父不里蒙格汗時爲巴禿所殺阿只吉與兄

阿卜失合哈薩兒畱漢地襲領本部軍在西京太原者

太原本察阿歹分地至元七年

九月本紀稱西京饑殺諸王阿只吉所部就食太原知西京亦有其部人

聽忽必烈汗潛邸徵調

忽必烈汗當蒙格汗時盡主漠南漢地軍國事故

歲庚申忽必烈汗召集忽里勒塔之會於龍岡右手大王惟阿只

吉及斡歌歹汗庶子合丹闊列堅之孫忽魯歹赴會以翊戴功蒙

厚賞特被信任皇子北平王那木罕之被劫於阿力麻里克也西

北軍中驟無主忽必烈汗命阿只吉建牙別失八里鎮之

阿只吉出鎮別失八

里本紀無年分可考但觀至元十六年賜阿只吉所部軍糧馬羊之數約略可知

兼轄天山南路畏兀兒合刺火者及

哈密力等處屯戍軍事

至元十九年本紀云的斤帖林以已資充屯田費阿只吉以聞按的斤帖林爲哈密力城主以此知哈密力亦受阿只吉節制

至元十六年給所部糧五千石軍馬五千匹羊萬墩後二年又給

糧六千石自太和嶺

今雁門關所在之山

至別失八里爲置新驛三十所以速

軍報

阿只吉本部在太原而戍軍在北庭故爲置此驛本紀未能明言其故

阿只吉出私馬助軍朝廷償其直

別給鈔令購牛及農具籽種與其分地貧民耕種自贍當是時阿

只吉族人篤哇黨附海都竄擾天山南北勢張甚阿只吉及皇子

西平王奧魯赤與戰敗績畏兀兒之地大困二十二年丞相伯顏

來視師朝議以別失八里行軍事專委伯顏阿只吉王府官及孛

藥台右萬戶府寮但主留務

孛藥台成吉思時右萬戶字幹兒出之子此時孛藥台已卒其子玉昔帖木兒襲職以世勳入爲都臺御史大

夫至元二十三年本紀仍稱孛藥帶者以位言不以人言且軍事本屬樞密院當時卻與玉昔帖木兒會議者正以彼本右萬戶身雖在朝府在金山也阿只吉既失

律用舊恩不加臯但不任以戰事而賞賜仍不輟

本紀至元二十五年賜阿赤吉金二百五十兩

銀二萬五千五百兩鈔九千挺紗羅絹布有差阿赤吉即阿只吉

鐵穆耳汗嗣位之初其部下玉速福以屢

叛伏誅臯亦不相及仍賜所部有加

元貞大德間兩次賜鈔四十萬挺糧萬石大德八年給馬料價鈔三千九百挺又與

安西王阿難荅諸王也速不干同賜鈔萬四千挺又皇慶二年十二月本紀書發米振阿只吉部不稱諸王其時阿只吉已薨所謂阿只吉以位言不以人言也

時諸王雜

居漢地者所在芻牧擾民每出畋獵率取民車牛載獲或且食宿

民舍阿只吉駐太原河東之民困於供億有詔詰責則以貧乏爲

辭乃歲賜糧萬石別給鈔三萬挺使營子錢以所入供出獵廩膳

毋再勞民。七年。以太原地震成災。民饑。重申前禁。然其部狃於故

習。仍因獵擾民不止。

本紀延祐六年十一月。中書省臣言。曩賜諸王阿只吉鈔三萬挺。使營子錢以供。賊獵廩膳。毋取諸民。今其部阿魯忽等出獵。恣索

於民。且為姦事。宜令宗正府刑部訊鞫之。以正典刑。制曰。可按阿魯忽。薨於至元三年。此所謂阿魯忽。蓋其後人或部下。以位言。不以人言。

阿只吉薨

薨年史無明文。約在

大德八年

子禿剌襲領其軍

世表以越王禿剌為阿只吉之孫。威遠王忽都鐵木兒之子。然諸王表威遠王巴都帖木兒。至治三年封。後於禿剌封。越王十

有七年禿剌必非其子

禿剌少以勇力聞。大德末。鐵穆耳汗昇遐。無嗣。巴牙兀

可敦與左丞相阿忽台等議。推嗣安西王阿難荅承大統。右丞相

哈刺哈孫黨於海山汗兄弟。密使分召之。愛育黎拔力八達汗自

懷先入。謀除異已。先阿忽台。而阿忽台多力。人莫能近。八達汗乃

與禿剌謀。使帥潛邸衛士。直入大內。手縛阿忽台。并其黨。諸王明

理帖木兒帥左右格鬪。不勝。

乞迷亞可丁書稱。率眾與戰。按宮闈非大戰之地。殆格鬪耳。以意改正。

與阿難荅

及巴牙兀可敦同被執。幽宮中。尋出阿忽台等於宮。論殺之。而送

阿難荅明理帖木兒於上都。賜死。巴牙兀可敦亦廢徙東安州。自

盡大事。遂定。海山汗即位。第功封禿剌越王。金印獸紐。三宮盡幸

其第。賜鈔萬挺。以紹興路為食邑。

紹興本唐越州。故以越為封號。哈刺哈孫傳。乃謂以慶元路為食邑。慶元為唐明州。殊與禿剌



封號不符

然秃刺自以為功高賞薄。內懷怏怏。至大元年秋。海山汗幸涼亭。上都涼亭之亭將御舟。秃刺遽前止之。汗問何為。秃刺曰。人亦有言。一箭

中麋。毋曰自能。百兔未得。未可遽止。此蓋蒙兀儕輩相靳之鄙諺。

而秃刺出之御前。不遜。海山汗由是銜之。既而大宴萬歲山。秃刺

醉起。解御賜金帶擲地。瞋目謂汗曰。爾與我者止此耳。汗益疑其

有異志。明年正月。命楚王牙忽都丞相康里脫脫平章赤因帖木

兒。世表阿只吉有子赤因帖木兒疑即此平章鞫之。辭服。遂賜死。又明年。三寶奴誣告寧王闊

闊出謀不軌。秃刺子阿刺荅失里許助力。元明善太師淇陽忠武王碑云孫女五人次三曰不魯合只罕為越

王阿刺荅失里妃。即此秃刺子武宗紀作阿刺納失里。文宗紀作阿刺忒納失里嫌與豫王同名易混今從碑獄成。寧王廢徙高麗。同時竄

阿刺荅失里及其祖母母妻於伯鐵木兒所。泰定初。雪其冤。賜環

命鎮沙州。沙州在察阿歹分地二十四城內前後賜鈔九千挺。天曆初。有推戴功。明年

十一月。以其父越王秃刺印予之。至順元年五月。遣鎮西番。舊紀誤稱為豫

王豫越二字北音相近。秃刺舊傳云子西安王阿刺忒納失里。天曆初以推戴功進封豫王。又為本紀所誤。然明南北監本元史世表越王秃刺位下闕其子名爵。清朝武英殿本元史誤据秃刺舊傳於越王秃刺下妄補豫王阿刺忒納失里名爵。又於西平王奧魯赤位下列豫王阿忒思納失里名爵於雲南王老的罕下。於是一時有兩豫王。然諸王表豫王下止有一人名阿忒思納失

里也餘詳明年中書省臣言越王禿剌在曲律可汗原在武宗時以紹興路

為食邑歲割賜本路租賦今其子阿剌答失里原作阿剌襲王號宜

歲給其半圖帖睦爾汗從之後無聞

出伯一作朮伯亦作朮白旭烈兀之孫也旭烈兀十三子按之中西書可考知者九人不知出伯之父何名疑是蒙哥帖木兒元史世表列出伯於旭烈

兀玄孫之位以為哈兒班答之子大誤考多桑書合兒班答生於西一二八一年即至元十八年而元史世祖紀至元二十年正月即書賜諸王出伯印其年合兒班答止二歲耳世豈有一歲之

父乎其誤可知矣旭烈兀開藩西域子孫世襲波斯阿剌黑汗其它子孫亦

多仕於本藩次子出木哈兒封阿里不哥中統初為之前唯出伯留漢地海都

篤哇之亂出伯帥所部蒙兀軍及探馬赤軍色目種人戍邊之軍稱為朝廷捍

禦西陲置本營於甘州兼領瓜沙以西北至合剌火者畏兀兒地

征戍事隴右諸王駙馬及兀丹等處宣慰司都元帥吐蕃烏思藏

宣慰司鞏昌等處便宜總帥府並聽節制本紀至元二十五年十月始見烏思藏宣慰使軟奴汪木之名蓋土

司也二十六年五月軟奴玉朮私以金銀器皿給諸王出伯合班等云云玉朮汪木名字互差蓋玉為汪之誤木為朮之誤也元貞二年九月出伯言汪總帥等部貧乏云云据是足証烏思藏宣

慰司及汪總帥並受轄於出伯至元二十年賜銀印龜紐諸王表二十五海都叛黨王論亦

撒八巴諸王先後窺天山南路出伯部將也禿古等與之力戰二

十一年。部將兀渾察以游擊之師。巡乞思合兒。敗敵兵二千。禽其

一將。二十五年。海都犯邊。出伯總駙馬昌吉諸王也。只烈察吉兒

合丹兩千戶軍。出征有功。一歲中賜金二百五十兩。銀七萬五千

二百五十兩。幣帛紗羅二萬匹。後二年。章吉寇哈密力。章吉亦作掌吉。疑即駙馬昌吉。

二十五年後叛。封海都者。實翁吉刺氏。唆兒火都。即只兒幹帶之孫。掌吉之名。見特薛禪傳。哈密力原作甘木里。今新疆之哈密廳。時為畏兀兒地。出伯與諸王伯

荅罕。阿開王忽魯歹子。亦憐真。闊端孫蒙哥都子。擊走之。三十一年秋。鐵穆耳汗以出

伯部四百餘戶告饑。命徙其家屬就食內郡。仍賜其奧魯軍年例

鈔三千挺。元貞初。立都元帥府於北庭。以平章政事合伯一作梟為都

元帥。江淞行省右丞撒里蠻副之。皆佩虎符。與孛來將探馬赤軍

萬人出征。別立都元帥府於曲先塔林。以驥都察佩虎符為都元

帥。竝受出伯節度。尋分出伯所統探馬赤及紅襖軍各千人。隸西

平王奧魯赤。當是時。朝廷宿重兵和林。以西陲軍事委之出伯。出

伯治軍嚴重。常堅壁壘。遠斥堠。以待敵。來則峻拒。去勿深追。無大

勝。亦無大敗。而海都篤哇兵勢亦趨重東方。以是出伯在邊十餘



年。河西編氓耕牧不驚。諸王將拱聽約束。朝廷無西顧之憂。出伯請汰所部探馬赤軍懦弱者三千人。代以精壯。朝廷從之。但命非奉旨毋擅徵發。尋給軍馬七千二百匹。糧萬石。事在元貞二年又以邊地沙磧乏芻。大德初。特給征行馬粟。四年。賜所部鈔萬五千四百挺。五年七月。又賜六萬挺。別給市馬直三十八萬四千挺。是月。又與諸王妃札忽兒真同賜鈔四十萬挺。一時寵眷。西道諸王莫與爲比。會海都死。察八兒嗣。朝廷未審其向背。六年二月。益出伯軍三千人。人馬二匹。官給其直。又籍甘州善射者二千人。隸之。使嚴軍以觀敵變。明年。察八兒請息兵。鐵穆耳汗遣使撫納。西北邊解嚴。御史臺臣言。瓜沙二州。自昔爲重鎮。今大軍屯駐甘州。使官民反居邊外。非宜。乞以蒙兀軍分鎮險隘。立屯田以供軍實。八年春。遂命出伯所部軍屯田僻出合出谷。給軍馬萬三千五百匹。帛四百端。是年十二月。以積年防邊功。特封威武西寧王。換金印駝紐。明年。賜鈔三萬挺。又明年。命領甘肅等地軍站事。賜鈔如前數。海山汗

卽位。進封幽王。賜金印獸紐。出伯請拘括瓜沙屯戶。逋戶漸丁隸所部。中書省臣議弗從。以二州雖諸王分地。其民役於驛傳故也。

出伯戍地。西接兀丹。兀丹南有八荅山。產玉。古傳所謂羣玉之山也。常謫皋人采之。道遠。進奉勞費。至元中。朝廷嘗賜出伯銀幣累

鉅萬。載以官驢。至則并賜之。時桑哥當國。謂不若以驢載玉而回。

至大初。出伯又進玉六百十有五斤。賜金千五百兩。銀二萬兩。鈔

萬挺。從人四萬挺。據此知桑哥曩年請以官驢載玉而回。爲國省費不少。正不得以人廢言。會撒的迷失。忒兀臺之孫。叛

掠出伯甘州輜重一空。中書省至大二年八月。請脩甘州城。因追述其事。則撒的迷失之叛。當卽在元年秋冬間。出伯尋薨。

子喃忽里襲。武宗紀至大元年十一月。賜諸王喃木忽里金印。喃木忽里卽喃忽里。金印卽幽王印。据此知出伯之薨。卽在是年之秋。舊紀失書。耳。諸王表。幽王喃忽里延祐七年襲封。年分誤。三年正月。賜鈔萬二千挺。三月。朝廷遣刑部尙書馬兒至

甘州。和市羊馬。分資所部軍費。鈔七萬挺。皇慶二年。又給喃忽里

等貧乏軍馬萬匹。紀稱始幽王喃忽里然非是年始襲封。仍與諸王火羅思迷。句脫歡。句

駙馬忙兀。帶同賜金銀鈔幣有差。延祐二年。又給所部買馬鈔十

二萬挺。喃忽里薨。忽塔忒迷失襲。事在天曆二年。至順初。諸王禿堅拒命雲

南。出伯後人不顏帖木兒自奮。請給鞍馬。從大軍進討。圖帖睦爾

汗嘉其意。許之。明年事平。入朝。以功賜襲幽王

紀表作邵王。辨詳世表。或証不顏帖木兒與忽塔忒

迷失。不知是父子抑是兄弟。然兄弟爲似。忽塔忒迷失襲位甫二年而代。以不顏帖木兒似功。舉問題非先生問題

其年八月。特命圍獵撫州

以自娛。三年正月。命甘肅行省爲建府第。後一月。給以幽王祿

幽本

紀此處如字

及其王傳祿。至正十二年。出伯後王有嵬釐者。襲封幽王。以

斬馘西番叛酋功。賜金束帶

論曰。北庭扼天山孔道。孤縣敵中。以丞相伯顏之知勇。當海都繁銳之師。猶不免有洪水山之挫。則阿只吉失律。夫焉足責。出伯南倚長城。僅以西北二面當敵。征戍二十年。卒保瓜沙以東。不涉戎馬之跡。其封爵一等。非幸致也。海山汗得國不正。本有疑忌宗親之心。禿剌恃功怨望。以口語之臯誅。烏盡弓藏。千古有同慨矣。

阿只吉出伯列傳第二十四

蒙兀兒史記卷第四十二

國只吉出師伐

國只吉出師伐

其王則蘇至五十二卒出師王育庚蓋皆襲性

其王則蘇至五十二卒出師王育庚蓋皆襲性

其王則蘇至五十二卒出師王育庚蓋皆襲性

其王則蘇至五十二卒出師王育庚蓋皆襲性

其王則蘇至五十二卒出師王育庚蓋皆襲性

其王則蘇至五十二卒出師王育庚蓋皆襲性

其王則蘇至五十二卒出師王育庚蓋皆襲性

其王則蘇至五十二卒出師王育庚蓋皆襲性

其王則蘇至五十二卒出師王育庚蓋皆襲性

其王則蘇至五十二卒出師王育庚蓋皆襲性

其王則蘇至五十二卒出師王育庚蓋皆襲性



者卜客客列亦速哥列傳第二十五蒙兀兒史記卷第四十三

武進屠 寄篋

者卜客札刺亦兒氏國王木合黎之季父也。用父帖列格禿伯顏命。事成吉思汗之弟合撒兒。四駿之一孖羅忽。勒卽者卜客得之主兒乞遺營。歸以獻訶額侖。可敦爲養子者也。歲庚申。成吉思與四種塔塔兒戰於荅闌捏木兒格思之地。合撒兒不在軍中。時翁吉刺部族駐牧合泐合水下。遊捕魚兒海子口者。與乞顏惕世昏中立。而心附成吉思。忽有流言。謂其叛去。者卜客聞之。以告合撒兒。實則無其事。合撒兒不告成吉思。而往掠之。大受成吉思詰責。然翁吉刺以無端被掠。爲憾。竟叛附札只刺部長札木合。而與於刊沐漣之盟。時論頗咎者卜客。謀報不審致衅。而成吉思不辜也。歲丙寅。大封功臣。者卜客仍封左翼千戶。八十八功臣之第四十四明年。皇子拙赤平禿縣幹亦刺。成吉思分其降民於子弟。合撒兒分得四千人。使者卜客領之。未幾。汗入妖巫闊闊出讒言。疑合撒兒欲殺之。以訶

額命可敦之解而止。然終削其兵柄，奪去分民之太半。奪去二千六百八僅四二千四百

者卜客懼禍及，入巴兒忽真之地。久之，合撒兒事白，乃還復為

領軍。歲戊寅，奉使如宋。元史石琚傳之葛不辛即者卜客之音差辛巳，宋使苟夢玉來報聘。

行在阿梅河南。耶律鑄鑄雙溪醉隱集云昔我太祖皇帝出師問臯西域辛巳歲夏駐蹕鐵門關宋主寧宗遣國信使苟夢玉通好乞和云按之長春西遊記辛巳

歲夏成吉思已渡阿梅河而南引見之。夢玉言南北連和夾攻金人之利，汗

以為然，敕宣差耶律阿海護送還其國，其議未及行，而成吉思汗

姐歲庚寅，幹歌歹汗大舉伐金。辛卯，克鳳翔，詔皇弟拖雷遣者卜

客為使如宋。先是，金人南遷，阻黃河潼關之險，以自固。蒙兀頻歲

攻之，不得志。有降人李昌國者，進幹腹之策於拖雷，謂若出寶雞

入漢中，不一月可達唐鄧，則金人黃河潼關之險，不攻而自失，並

繪師行所當歷之山川，城塞關隘津梁，具圖上之。拖雷以聞，汗善

之。然散關以外，皆宋地也。及是，鳳翔既下，乃使者卜客假道於宋。

且申前約。時宋桂如淵為四川置制使，其沔州統制張宣駐軍青

野原，誘致者卜客，使部將曹友聞殺之。曹友聞雙溪醉隱集引理宗日歷作曹萬戶而不名拖雷聞

之大怒。謂在軍諸王大將曰。彼自食言棄好。輒殺我使。今日之事。曲直有歸。可下令諸軍分攻城堡關隘。由是長驅入漢中。此爲宋人與蒙兀肇衅之端。李昌國本名邦瑞。以字行。京兆臨潼人。世農家。昌國幼嗜學。讀書通大義。嘗被北軍所掠。逃至太原。爲金將小史從守閭漫山砦。國王木合黎軍入河東。攻下諸城壁。金將遁。昌國帥衆來歸。復居太原。久之。守臣惜其材。具鞍馬遣詣行在所。中書以名聞。庚寅。奉使如宋。至寶應。不得入。未幾。命復往。仍諭山東淮南路行省李全護送。宋仍拒之。復奉詔以行。改道出蘄黃。宋遣賤者來迎。昌國怒。斥去之。宋改命行人。乃議如約而還。幹歌互汗勞之。賜以車騎旃裘及白金十挺。其後拖雷用其幹腹之策。果奏三峰之捷。而孟珙以軍糧助攻蔡州。卽踐昌國前約也。甲午。金平。昌國奏言。干戈之際。親戚離散。乞歸尋訪。汗嘉其功。許馳驛往河南。并諭速別額台。句察罕。句耶律禿花。舊傳作匣刺達海譯文差異諸將。凡昌國親戚或有被俘隸諸部者。歸之。是歲。命從皇子闊出經略淮漢。舊傳

作經略河南按其時河南已平當南侵宋邊矣

賜佩金符爲宣差軍儲使明年六月卒子榮

速哥客列亦氏

舊作怯列氏

世傳李唐外族

客列亦爲突厥之類唐嘗嫁公主於突厥此云李唐外族豈速哥先人爲唐公主所出乎

父懷都從成吉思同飲巴

渤

渚納水開國功臣千戶

功臣第四十九兀都台卽懷都

速哥

爲人外若質直內實沈勇有謀雅爲幹歌互汗潛邸所知汗卽位謀伐金使速哥往覘國情語之曰卽不還子孫無憂不富貴速哥頓首曰臣死職巨然奉陛下威靈以往可無慮也汗說賜以御騎及河金人閉之舟中七日始登南岸又三旬乃達汴比廷見金主速哥大言曰天子爲爾土地日蹙民力日疲故遣我致命爾能共脩歲幣通好不絕則轉禍爲福矣謁者令下拜速哥曰我大國使爲爾屈乎金主弗強命取金卮勺酒賜飲曰歸語汝主必欲加兵敢悉索敝賦以相周旋歲幣非所聞也速哥醺畢懷金卮以出佯爲不智以懈金人歸途金人果不復猜防遂默識所過關河津渡水之淺深地之夷險旣復命出懷中金卮以獻汗喜爲之兆曰我得金於汝手中矣復以賜之始下令徵兵南伐歲壬辰大軍臨河



北白坡鎮。方舟欲渡。金師嚴陳河南。汗令儀衛導速哥居中行。躬

帥偏師乘陳西水淺處策馬涉河。

時正月五日。河水未泮。

會拖雷軍亦自襄鄧

至。兩軍夾攻之。及金山。詔賜金護駕士五人。曰。旌汝使不辱命也。

以前過崞州盜殺其馬。至是兼以崞民賜之。歲乙未。汗從容語速

哥。朕將官汝。西域中原唯所擇。速哥再拜曰。幸甚。臣意中原便於

是制。詔若曰。西山之境。八達嶺以北。

八達嶺。蒙古謂雁門關所在之山。

汝則主之。汝於

城中構大樓居其上。使人皆仰望汝。汝俯而諭之。顧不偉乎。乃以

爲山西也。客荅魯合臣。

如云。太監。

受命方出。有回回六人以訟事不實。將

抵臯。遇諸塗。連哥屬監者姑緩其刑。卽入復見汗。奏言此六人者。

名著西土。徒以小臯誅之。非所以懷遠人也。願以賜臣。臣得意辱

之。

意辱。謂以一己之意。辱之。不用刑法也。

使自悔過遷善。爲它日用。殺之無益。汗意解。召六

人者至。謂之曰。生汝者。速哥也。其善事之。至大同治。擇而用之。後

有至大官者。速哥卒年六十有二。贈推忠翊運同德功臣。太師開

府儀同三司上柱國。追封宣寧王。謚忠襄。子六人。曰長罕。曰玉呂